

## PARC CHWARAEON BAE ABERTAWE - TELERAU AC AMODAU AELODAETH

### 1. DEHONGLIAD

**Parc Chwaraeon Bae Abertawe (SBSP)** yw'r hunaniaeth ymbarél ar gyfer y cyfleusterau chwaraeon wedi'u lleoli yn Lôn Sgeti, Abertawe, SA2 8QB sy'n cynnwys:

- Pwll Cenedlaethol Cymru Prifysgol Abertawe
- Canolfan Chwaraeon Prifysgol Abertawe
- Canolfan Hoci ac Athletau Abertawe

Mae **SBSP** wedi cael ei ddatblygu a'i ddefnyddio'n bennaf ar gyfer brandio a marchnata safle Lôn Sgeti, gan alluogi'r cyfleusterau a restrir i ddefnyddio dull gweithredu ar y cyd i wella taith y cwsmer wrth hyrwyddo effeithlonrwydd.

Bydd y brand **SBSP** yn cael ei ddefnyddio ar lwyfannau ffisegol a digidol gan gynnwys arwyddion, y cyfryngau print, gwefannau a'r cyfryngau cymdeithasol. Bydd y llwyfannau hyn yn adnodd a rennir i'r holl gyfleusterau perthnasol.

Tra bydd **SBSP** yn datblygu'n brif hunaniaeth, a'r unig un ar gyfer safle Lôn Sgeti, nid yw'n disodli'n uniongyrchol hunaniaethau presennol y cyfleusterau unigol ac nid yw'n creu unrhyw berthynas gytundebol arall rhwng cyfleusterau nac yn newid y statws cyfreithiol neu berchnogaeth.

Mae cytundeb i ddatblygu a gweithredu'r dull SBSP wedi'i geisio gan Uwch Dîm Arwain Prifysgol Abertawe, Cabinet Dinas a Sir Abertawe a Bwrdd Pwll Cenedlaethol Cymru.

Mae pob cyfeiriad at '**chi**', '**eich**' neu '**Aelod(au)**' yn golygu aelod presennol o SBSP.

Mae pob cyfeiriad at '**ni**' ac '**ein**' yn gyfeiriadau at Brifysgol Abertawe (**SPS**) a/neu Bwll Cenedlaethol Cymru Abertawe (**WNPS**).

Os ydych yn aelod o Chwaraeon Abertawe, mae eich aelodaeth gyda Phrifysgol Abertawe. Os oes gennych aelodaeth nofio, mae eich aelodaeth gydag WNPS. Bydd Atodlen Aelodaeth SBSP yn eich helpu i adnabod gyda phwy mae eich aelodaeth.

Golyga'r '**Cytundeb**' y Ffurflen Gais, ymwadiad meddygol, y Ffi Aelodaeth, y telerau ac amodau hyn a rheolau cyfleusterau unigol gan gynnwys rhai WNPS, Campfeydd SPS, Neuadd a Chyrtiau Chwaraeon SPS, a'r Ganolfan Hoci ac Athletau.

Golyga'r '**Ffurflen Gais**' y ffurflen gais ar gyfer aelodaeth neu ddefnydd o'r cyfleusterau yn SBSP.

Golyga'r '**Ffi Aelodaeth**' y ffioedd sy'n daladwy am eich categori aelodaeth a amlinellir yn eich Ffurflen Gais ar gyfer defnydd o'r cyfleusterau yn SBSP.

'**Cwsmer Misol**' yw'r rheiny sydd wedi ymrwymo i gynllun talu misol drwy Ddebyd Uniongyrchol neu Gyflogres Staff.

Mae '**Didyniad Cyflogres**' yn golygu cynllun didynnu o gyflog, Prifysgol Abertawe sydd ar gael i staff Prifysgol Abertawe.

'**Cwsmer Rhagdaledig**' yw person sy'n talu'r Ffi Aelodaeth ymlaen llaw, yn flynyddol.

Golyga '**Atodlen Aelodaeth SBSP**' yr atodlen ynghlwm wrth y Telerau ac Amodau hyn sy'n amlinellu'r cynlluniau aelodaeth gwahanol ar gael.

Cyfeiria'r **'Rheolwr'** at Reolwr WNPS neu SPS ar y pryd ac mae'n cynnwys unrhyw weithiwr arall a all fod yn gweithredu ar ran y rheolwr.

## 2. CYCHWYN, TYMOR CYCHWYNNOL AC AELODAETH BARHAUS

Bydd y Cytundeb hwn yn cychwyn ar y dyddiad ymuno, yn dilyn derbyn eich Ffurflen Gais a bydd mewn grym am y tymor cychwynnol yn amodol ar derfynu cynharach a amlinellir yn yr amodau hyn. Bydd aelodaeth a delir drwy daliadau misol yn parhau'n awtomatig ar ôl y tymor cychwynnol hyd nes y'i terfynir yn unol â'r amodau hyn.

## 3. CYNLLUNIAU AELODAETH CYFFREDINOL

- 3.1. Rhestrir y mathau o aelodaeth ar gael yn SBSP yn atodlen 1 (Cynlluniau Aelodaeth SBSP).
- 3.2. Mae'n bosib y bydd ardaloedd o SBSP ar gau ar gyfer Gwyliau Banc, ymarferion, gwaith cynnal a chadw parhaus a rhaglen arolygu, a all effeithio ar oriau agor. Ni chaniateir i gwsmeriaid ddefnyddio cyfleusterau bob amser pan fydd naill ai WNPS neu SPS yn cynnal digwyddiadau mawr. Bydd WNPS a SPS yn rhoi digon o rybudd am y digwyddiadau hyn, ac ni fydd aelodaeth yn cael ei hymestyn nac iawndal ariannol yn cael ei gynnig.
- 3.3. Bydd cerdyn aelodaeth SBSP yn cael ei gyflwyno i chi ar ôl i chi danysgrifio, a bydd yn parhau yn eiddo i ni. Os terfynir eich cytundeb am unrhyw reswm, bydd eich cerdyn aelodaeth yn cael ei ddileu.
- 3.4. Rydym yn cadw'r hawl i wrthod unrhyw gais am aelodaeth neu adnewyddu aelodaeth.
- 3.5. Rhaid i aelodau roi gwybod i ni am unrhyw newidiadau i fanylion cyswllt.
- 3.6. Rydym yn cadw'r hawl i ddiddymu neu wrthod mynediad i unrhyw gwsmer heb nodi unrhyw reswm ac yn cadw'r hawl i beidio â gwneud unrhyw ad-daliad mewn achosion o'r fath.

### CYNIGION AELODAETH ARBENNIG

- 3.7. Gallwn redeg sawl cynnig aelodaeth arbennig drwy gydol y flwyddyn. Bydd pob cynnig yn ddilys am gyfnod cyfyngedig a fydd yn cael ei nodi yn Nhelerau ac Amodau CYNIGION AELODAETH ARBENNIG PARC CHWARAEON BAE ABERTAWE. Ar ôl talu am yr aelodaeth ac am hyd y tymor aelodaeth, bydd yr holl Aelodau yn rhwym i'r Telerau ac Amodau yn y brif ddogfen hon, y cytunir iddynt ar ôl talu am bob aelodaeth SBSP.

## 4. EICH RHWYMEDIGAETHAU

- 4.1. Bydd yr Aelod yn talu'r Ffi Aelodaeth. Bydd y dull yn cael ei gytuno ar yr adeg y gwneir Cais a gall gynnwys (ond nid yw'n gyfyngedig iddynt): Cwsmer Rhagdaledig neu Gwsmer Misol yn gwneud taliadau mewn rhandaliadau misol drwy Ddebyd Uniongyrchol neu Ddidyniad Cyflogres.
- 4.2. Bydd yr Aelod yn cydymffurfio'n llawn â'u rhwymedigaethau dan y Cytundeb.
- 4.3. Dylid defnyddio'r holl gyfarpar a chyfleusterau yn unol â'r holl gyfarwyddiadau defnyddio. Ni ddylid camddefnyddio'r cyfarpar a'r cyfleusterau mewn unrhyw ffordd, a rhaid i chi ymddwyn mewn modd trefnus bob amser heb ymyrryd â defnydd neu fwynhad cwsmer arall o'r cyfleusterau. Dylai defnyddwyr y Gampfa geisio cyngor gan staff y gampfa yn ôl yr angen.
- 4.4. Lle mae archebu ymlaen llaw yn ofynnol, glynwch at y [polisi archebu a chanslo](#).

## 5. CANSLO - GENNYCH CHI NEU GENNYM NI

- 5.1. Ni fydd cwsmeriaid sydd wedi talu ymlaen llaw yn derbyn ad-daliad o'r Ffi Aelodaeth nac unrhyw ran ohoni os hoffent ganslo'r cytundeb yn gynnar, cyn diwedd cyfnod yr aelodaeth a thu allan i'r cyfnod ailfeddwl o 14 diwrnod ar ôl prynu.

- 5.2. Bydd aelodau sy'n talu'n fisol drwy Ddebyd Uniongyrchol neu Ddidyniad Cyflogres yn cael eu rhwymo gan contract 12 mis. Ar ôl diwedd y cyfnod 12 mis hwnnw, caiff Aelodau sydd am ganslo eu haelodaeth wneud hynny drwy roi rhybudd 30 diwrnod erbyn y 10fed o bob mis.
- 5.3. Mae'n ofynnol i aelodau dalu'r nifer lleiaf o gyfnodau Debyd Uniongyrchol neu Gyflogres a nodwyd ar eu Cais, gyda'r un cyntaf yn cael ei dalu ar y dyddiad talu 1af a phob mis wedi hynny. Mae'n rhaid talu'r taliadau, waeth a yw'r aelod wedi defnyddio'r cyfleusterau ai peidio, oni nodir yn wahanol, neu os bodlonir y telerau canslo.
- 5.4. Mae pob aelodaeth yn agored i gyfnod ailfeddwl o 14 diwrnod, sy'n cychwyn ar ddyddiad y cytundeb cychwynnol. Gall aelodau ganslo pob aelodaeth yn ystod y cyfnod hwn heb ddim cosb. Rhaid rhoi gwybod am eich diben i ganslo naill ai yn ysgrifenedig neu ei reoli'n uniongyrchol â thîm derbynfa SBSP.

## 6. TERFYNU - GENNYM NI

- 6.1. Gallwn derfynu eich aelodaeth drwy rybudd ysgrifenedig o 7 diwrnod, neu ar unwaith yn ôl ein doethineb, os:
  - 6.1.1. Ydych yn torri'r cytundeb hwn mewn modd difrifol neu oherwydd mân doriadau mynych; neu
  - 6.1.2. Rydych yn methu â thalu unrhyw swm sy'n ddyledus dan y Cytundeb ar y dyddiad y mae'r taliad yn ddyledus; neu
  - 6.1.3. Rydych yn rhoi manylion y gwyddoch eu bod yn anghywir pan rydych yn ymgeisio am aelodaeth a byddai'r datganiad ffals wedi effeithio'n rhesymol ar ein penderfyniad i ganiatáu eich aelodaeth; neu
  - 6.1.4. Camdefnyddir eich aelodaeth neu eich cerdyn aelodaeth; neu
  - 6.1.5. Rydych yn mynd yn groes i Ddeddf Llwgwrwobrwyo 2010 neu Ddeddf Cydraddoldeb 2010; neu
  - 6.1.6. Rydych yn torri'r polisi tri rhybudd ar gyfer canslo archebion; neu
  - 6.1.7. Rydych yn torri cod ymddygiad SBSP.
- 6.2. Os terfynir eich aelodaeth am unrhyw rai o'r rhesymau a nodir uchod, ni fydd gennych hawl i unrhyw ad-daliad o'r Ffi Aelodaeth.

## 7. RHEWI AELODAETH

- 7.1. Gallwn rewi eich aelodaeth gyfredol am gyfnod amhenodol oherwydd sefyllfaoedd y tu hwnt i'r rheolaeth pan fydd rhaid i unrhyw rai o'r cyfleusterau yn SBSP gau. Bydd aelodau'n derbyn o leiaf 24 awr o rybudd ym mhob sefyllfa rewi. Yn ystod y cyfnod dan sylw, ni fydd aelodau'n cael mynediad i SBSP ac ni chodir Ffioedd Aelodaeth. Caiff pob aelodaeth ei dadrewi gan roi o leiaf 10 diwrnod o rybudd i aelodau, ynghyd â'r union ddyddiad pan fydd angen talu'r ffi aelodaeth gyntaf drwy Ddebyd Uniongyrchol neu Ddidyniad Cyflogres.
- 7.2. Yn ystod y cyfnod 10 diwrnod hwn, caiff Aelodau derfynu eu haelodaeth heb gosb. Os yw Aelod yn dewis derfynu ei aelodaeth y tu allan i'r cyfnod rhybudd o 10 diwrnod a roddwyd, codir y ffi ganslo arferol. Gweler Adran 5.
- 7.3. Bydd gan bob Aelod yr opsiwn i rewi eu haelodaeth am hyd at dri mis (90 diwrnod) mewn cyfnod 12 mis. Rhaid gwneud pob cais yn ysgrifenedig gyda'r cyfnod wedi'i nodi, ac ar ddiwedd y cyfnod hwn, bydd yr aelodaeth yn cael ei dadrewi. Ni fydd yr aelodaeth yn agored i'r cyfnod derfynu heb ddim ffi o 10 diwrnod gan nad yw wedi'i rhewi gennym ni.

## 8. ATEBOLRWYDD

- 8.1. Mae'r holl warantau, amodau a thelerau eraill sydd ymhlyg drwy statud neu gyfraith gwlad, cyn belled ag y bydd y gyfraith yn caniatáu hynny, wedi'u heithrio o'r Cytundeb hwn.

- 8.2. Nid oes unrhyw beth yn y Cytundeb hwn yn eithrio nac yn cyfyngu ar ein hatebolrwydd am farwolaeth neu anaf personol a achosir gan esgeulustod neu am unrhyw ddifrod neu atebolrwydd rydych yn ei ysgwyddo o ganlyniad i dwyll neu anwiredd twyllodrus.
- 8.3. Bydd ein cyfanswm atebolrwydd mewn contract, tort (gan gynnwys esgeulustod neu dorri dyletswydd statudol), camliwiad, adferiad neu fel arall, sy'n codi mewn cysylltiad â pherfformiad, neu berfformiad tebygol, ein rhwymedigaethau dan y Cytundeb hwn, yn cael ei gyfyngu i'r Ffioedd Aelodaeth rydych wedi'u talu i ni yn y cyfnod 12 mis blaenorol. Ni fyddwn yn atebol am unrhyw golled arbennig, anuniongyrchol, ganlyniadol neu economaidd bur, costau, difrod, ffioedd neu dreuliau.
- 8.4. Rhaid i chi gadw eiddo personol arnoch neu eu cadw mewn locer a ddarperir gennym ni. Ni fyddwn yn atebol am unrhyw golled, difrod neu ladrad o unrhyw eiddo personol a ddeuir ar safle SBSP.

## 9. AMRYWIO TELERAU

- 9.1. Rydym yn cadw'r hawl i amrywio'r Cytundeb hwn, ac unrhyw reolau, ar unrhyw adeg, er mwyn adlewyrchu newidiadau sy'n berthnasol i reoli a gweithredu SBSP. Byddwn yn gwneud ymdrechion rhesymol i roi rhybudd i chi cyn gwneud newidiadau drwy arddangos hysbysiad priodol yn SBSP, oni bai fod y newidiadau'n hanfodol am resymau iechyd a diogelwch neu'n hanfodol i ddiogelu ein buddiannau.
- 9.2. Os nad ydych yn derbyn y newidiadau arfaethedig ac os gallwch ddangos i'n boddhad rhesymol bod y newidiadau'n peri anfantais faterol i chi, cewch ganslo'r Cytundeb. Byddwn yn rhoi ad-daliad priodol o'r Ffi Aelodaeth ar gyfer y cyfnod o'r Cytundeb sy'n weddill yn achos cwsmeriaid sydd wedi talu ymlaen llaw. Nid yw eich hawl i derfynu'n berthnasol os gorfodwyd i ni gyflwyno'r newidiadau gan ddeddfwriaeth, rheoliad gan y llywodraeth neu awdurdod lleol neu unrhyw gorff cymwys arall.

## 10. GWYBODAETH BERSONOL

- 10.1. Rydym yn casglu ac yn prosesu'r wybodaeth yn eich Ffurflen Gais, ac unrhyw wybodaeth arall rydych yn ei darparu i ni, er mwyn i ni allu darparu ein gwasanaethau i chi ac ymdrin â'ch ceisiadau.
- 10.2. Caiff yr wybodaeth bersonol rydych yn ei darparu i ni ei chasglu a'i phrosesu at ddibenion monitro a dadansoddi ein busnes, marchnata a chyfathrebu mewn cysylltiad â'n cynhyrchion a'n gwasanaethau ni a rhai cwmnïau eraill. Gellir cyfathrebu â chi drwy e-bost neu'r post.
- 10.3. Gellir datgelu gwybodaeth bersonol hefyd i asiantau neu drydydd partïon a benodwyd gennym ni neu gan aelodau eraill o gwmnïau eraill i ymgymryd â gweithgareddau marchnata a chyfathrebu os ydych chi wedi nodi'r dewis hwn ar eich ffurflen aelodaeth. Cyfeiriwch at [Bolisi Preifatrwydd SBSP](#) am fanylion.
- 10.4. Mae gennych hawl i dderbyn copi o'r wybodaeth sydd gennym amdanoch chi ac i ofyn i ni gywiro camgymeriadau drwy ysgrifennu atom.

## 11. PWYNTIAU CYFFREDINOL

- 11.1. Os byddwn yn trosglwyddo unrhyw hawl neu atebolrwydd dan y cytundeb hwn, byddwn yn rhoi gwybod i chi.
- 11.2. Os bydd y manylion personol rydych wedi'u darparu i ni yn newid, rhaid i chi ysgrifennu atom i roi gwybod i ni. Os nad ydych yn rhoi gwybod i ni am newid cyfeiriad, tybir bod unrhyw gyfathrebiad wedi'i dderbyn gennych 5 diwrnod ar ôl i ni ei anfon.
- 11.3. Mae SBSP a'i feysydd parcio yn gyfleusterau dim ysmegu.

- 11.4. Os bydd anghytundeb wrth ddehongli rheolau SBSP, ein penderfyniad ni fydd yn derfynol. Drwy lofnodi'r aelodaeth, rydych chi'n cytuno i ufuddhau i'r Cytundeb hwn a'r holl reolau defnyddio.
- 11.5. Daw archebu a derbyniadau dan y Polisi Archebu a Derbyniadau llawn. Ar gyfer archebu sesiynau, mae gan SBSP bolisi tri rhybudd o ganlyniad i ddiffyg rhoi gwybod am ddiben i ganslo neu dorri'r cyfnod hysbysu, a pheidio â glynu at ganllawiau cyfleusterau fel y maent wedi'u harwyddo. Bydd pob rhybudd yn cael eu cyflwyno i Aelodau yn ysgrifenedig gyda'r trydydd yn cynnwys y posibilrwydd o derfynu aelodaeth.
- 11.6. Dylid mynd i'r afael ag unrhyw anghydfod neu bryderon yn unol â'n [Polisi Cwynion](#).
- 11.7. Gallwn gymryd camau yn eich erbyn yn unol â'n [Polisi Gwahardd](#).
- 11.8. Yn ogystal:-
- a) Ni chaniateir dod ag eitem neu sylwedd peryglus neu wenwynig i'r cyfleuster
  - b) Os oes gennych haint neu afiechyd heintus, ni chewch fynd i mewn i'r pwll nofio neu ardaloedd newid y pentref chwaraeon
  - c) Ni chaniateir baeddu neu lygru dŵr y pwll nofio
  - d) Ni chaniateir bwyta bwyd nac yfed diodydd yn SBSP os na chawsant eu prynu ar y safle, ar wahân i hydradu hanfodol a maetholion chwaraeon
  - e) Rhaid cael caniatâd ymlaen llaw gan y rheolwr os hoffech dynnu lluniau neu wneud recordiad fideo
  - f) Rhaid cadw eich holl eiddo personol yn loceri SBSP oni hysbysir yn wahanol.
  - g) Mae holl amodau a thelerau defnyddio SBSP yn berthnasol am hyd eich aelodaeth. Tybir bod diffyg cydymffurfiaeth ag amodau a thelerau un parti sy'n arwain at wahardd aelod yn torri amodau a thelerau'r llall.
  - h) Ni ellir trosglwyddo aelodaeth Chwaraeon Abertawe. Y person a enwir ar y cais am aelodaeth yn unig gaiff ddefnyddio'r aelodaeth.
  - i) Mae rheolau unigol yn berthnasol i'r holl gyfleusterau unigol er iechyd a diogelwch yr holl ddefnyddwyr a staff. Mae'n rhaid glynu wrth y rhain bob amser.

**Atodlen 1 - Cynlluniau Aelodaeth SBSP**

Campfa a Dosbarthiadau i'r Cyhoedd DU	<b>Prifysgol Abertawe (Chwaraeon Abertawe)</b>
Pwll a Mwy i'r Cyhoedd Hyblyg	<b>Ar y Cyd (SU, WNPS)</b>
Pwll a Mwy i'r Cyhoedd DU	<b>Ar y Cyd (SU, WNPS)</b>
Campfa a Dosbarthiadau i'r Cyhoedd Blynyddol	<b>Prifysgol Abertawe (Chwaraeon Abertawe)</b>
Pwll a Mwy i'r Cyhoedd Blynyddol	<b>Ar y Cyd (SU, WNPS)</b>
Pasbort i Hamdden Hyblyg DU	<b>Prifysgol Abertawe (Chwaraeon Abertawe)</b>
Pasbort i Hamdden Campfa DU	<b>Prifysgol Abertawe (Chwaraeon Abertawe)</b>
Pasbort i Hamdden Pwll a Mwy Hyblyg	<b>Ar y Cyd (SU, WNPS)</b>
Pasbort i Hamdden Pwll a Mwy DU	<b>Ar y Cyd (SU, WNPS)</b>
Campfa a Dosbarthiadau Consesiynol Hyblyg DU	<b>Prifysgol Abertawe (Chwaraeon Abertawe)</b>
Campfa a Dosbarthiadau Consesiynol DU	<b>Prifysgol Abertawe (Chwaraeon Abertawe)</b>
Pwll a Mwy Consesiynol Hyblyg DU	<b>Ar y Cyd (SU, WNPS)</b>
Campfa a Phwll a Mwy Consesiynol DU	<b>Ar y Cyd (SU, WNPS)</b>
Campfa a Dosbarthiadau Consesiynol Blynyddol	<b>Prifysgol Abertawe (Chwaraeon Abertawe)</b>
Pwll a Mwy Consesiynol Blynyddol	<b>Ar y Cyd (SU, WNPS)</b>
Campfa a Dosbarthiadau i Fyfirwyr 1 Mis	<b>Prifysgol Abertawe (Chwaraeon Abertawe)</b>
Campfa a Dosbarthiadau i Fyfirwyr Semester 1	<b>Prifysgol Abertawe (Chwaraeon Abertawe)</b>
Campfa a Dosbarthiadau i Fyfirwyr Semester 2	<b>Prifysgol Abertawe (Chwaraeon Abertawe)</b>
Campfa a Dosbarthiadau i Fyfirwyr Blynyddol	<b>Prifysgol Abertawe (Chwaraeon Abertawe)</b>
Pwll a Mwy i Fyfirwyr 1 Mis	<b>Ar y Cyd (SU, WNPS)</b>
Pwll a Mwy i Fyfirwyr Semester 1	<b>Ar y Cyd (SU, WNPS)</b>
Pwll a Mwy i Fyfirwyr Semester 2	<b>Ar y Cyd (SU, WNPS)</b>
Pwll a Mwy i Fyfirwyr Blynyddol	<b>Ar y Cyd (SU, WNPS)</b>
Campfa a Dosbarthiadau i Fyfirwyr Dau Semester	<b>Prifysgol Abertawe (Chwaraeon Abertawe)</b>
Pwll a Mwy i Fyfirwyr Dau Semester	<b>Ar y Cyd (SU, WNPS)</b>

Campfa a Dosbarthiadau i Fyfirwyr 2 Fis	<b>Prifysgol Abertawe (Chwaraeon Abertawe)</b>
Pwll a Mwy i Fyfirwyr 2 Fis	<b>Ar y Cyd (SU, WNPS)</b>
Campfa a Dosbarthiadau Didyniad Cyflog Misol i Staff Prifysgol Abertawe	<b>Prifysgol Abertawe (Chwaraeon Abertawe)</b>
Pwll a Mwy Didyniad Cyflog Misol i Staff Prifysgol Abertawe	<b>Ar y Cyd (SU, WNPS)</b>
Pasbort i Hamdden Campfa a Dosbarthiadau Blynyddol	<b>Prifysgol Abertawe (Chwaraeon Abertawe)</b>
Pasbort i Hamdden Pwll a Mwy Blynyddol	<b>Ar y Cyd (SU, WNPS)</b>
Nofio i'r Rheiny 60 oed a Hŷn DU	<b>Pwll Cenedlaethol Cymru Abertawe</b>
Nofio i Fyfirwyr Hyblyg DU	<b>Pwll Cenedlaethol Cymru Abertawe</b>
Nofio i Fyfirwyr DU	<b>Pwll Cenedlaethol Cymru Abertawe</b>
Nofio i'r Cyhoedd Hyblyg DU	<b>Pwll Cenedlaethol Cymru Abertawe</b>
Nofio i'r Cyhoedd DU	<b>Pwll Cenedlaethol Cymru Abertawe</b>
Pasbort i Hamdden Nofio Hyblyg DU	<b>Pwll Cenedlaethol Cymru Abertawe</b>
Pasbort i Hamdden Nofio DU	<b>Pwll Cenedlaethol Cymru Abertawe</b>
Nofio Consesiynol Hyblyg DU	<b>Pwll Cenedlaethol Cymru Abertawe</b>
Nofio Consesiynol DU	<b>Pwll Cenedlaethol Cymru Abertawe</b>
Ieuenctid Safonol 30 Munud DU	<b>Pwll Cenedlaethol Cymru Abertawe</b>
Pasbort i Hamdden Ieuenctid 30 Munud DU	<b>Pwll Cenedlaethol Cymru Abertawe</b>
Ieuenctid Safonol 60 Munud DU	<b>Pwll Cenedlaethol Cymru Abertawe</b>
Pasbort i Hamdden Ieuenctid 60 Munud DU	<b>Pwll Cenedlaethol Cymru Abertawe</b>
Oedolion Safonol 30 Munud DU	<b>Pwll Cenedlaethol Cymru Abertawe</b>
Oedolion Consesiynol 30 Munud DU	<b>Pwll Cenedlaethol Cymru Abertawe</b>
Pasbort i Hamdden Oedolion 30 Munud DU	<b>Pwll Cenedlaethol Cymru Abertawe</b>
Oedolion Safonol 60 Munud DU	<b>Pwll Cenedlaethol Cymru Abertawe</b>
Oedolion Consesiynol 60 Munud DU	<b>Pwll Cenedlaethol Cymru Abertawe</b>
Pasbort i Hamdden Oedolion 60 Munud DU	<b>Pwll Cenedlaethol Cymru Abertawe</b>
Teyrngarwch Nofio i'r Cyhoedd	<b>Pwll Cenedlaethol Cymru Abertawe</b>
Teyrngarwch Nofio Consesiynol	<b>Pwll Cenedlaethol Cymru Abertawe</b>
Pasbort i Hamdden Teyrngarwch Nofio	<b>Pwll Cenedlaethol Cymru Abertawe</b>
Teyrngarwch Nofio Adegau Tawel	<b>Pwll Cenedlaethol Cymru Abertawe</b>
Nofio i Fyfirwyr 1 Mis	<b>Pwll Cenedlaethol Cymru Abertawe</b>
Nofio i Fyfirwyr Semester 1	<b>Pwll Cenedlaethol Cymru Abertawe</b>
Nofio i Fyfirwyr Semester 2	<b>Pwll Cenedlaethol Cymru Abertawe</b>
Nofio i Fyfirwyr Blynyddol	<b>Pwll Cenedlaethol Cymru Abertawe</b>
Nofio i Fyfirwyr Dau Semester	<b>Pwll Cenedlaethol Cymru Abertawe</b>
Nofio i'r Cyhoedd Blynyddol	<b>Pwll Cenedlaethol Cymru Abertawe</b>
Nofio i'r Cyhoedd 6 Mis	<b>Pwll Cenedlaethol Cymru Abertawe</b>
Nofio i'r Rheiny 60 oed a Hŷn 6 Mis	<b>Pwll Cenedlaethol Cymru Abertawe</b>
Pasbort i Hamdden Nofio Blynyddol	<b>Pwll Cenedlaethol Cymru Abertawe</b>
Pasbort i Hamdden Nofio 6 Mis	<b>Pwll Cenedlaethol Cymru Abertawe</b>
Nofio Consesiynol Blynyddol	<b>Pwll Cenedlaethol Cymru Abertawe</b>
Nofio Consesiynol 6 Mis	<b>Pwll Cenedlaethol Cymru Abertawe</b>
Cerdyn Athletau Semester 1	<b>Prifysgol Abertawe (Chwaraeon Abertawe)</b>
Cerdyn Athletau Semester 2	<b>Prifysgol Abertawe (Chwaraeon Abertawe)</b>
Cerdyn Athletau Blynyddol	<b>Prifysgol Abertawe (Chwaraeon Abertawe)</b>

